

**ZAVOD ZA INFORMATIKU I STATISTIKU
KANTONA SARAJEVO**

Na osnovu člana 25. Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 2/12, 41/12, 8/15, 13/17 i 14/21) i tačke XVII Odluke o radnoj stanici u Kantonu Sarajevo ("Službene novine Kantona Sarajevo", broj 32/21), direktor Žavoda za informatiku i statistiku Kantona Sarajevo donosi

ODLUKU O HARDVERU RADNE STANICE U KANTONU SARAJEVO

I

(Predmet regulisanja i primjena)

Ovom Odlukom o hardveru radne stanice u Kantonu Sarajevo (u dalnjem tekstu: Odluka) se definiraju tehničko-tehnološki zahtjevi i uslovi za hardver radnih stanica kantonalnih organa uprave, stručnih službi i kantonalnih upravnih organizacija (u dalnjem tekstu: kantonalni organi) u cilju postizanja kompatibilnosti i jedinstvenog radnog okruženja.

Odluka se primjenjuje u svim kantonalnim organima na području Kantona Sarajevo i odnosi se na sve državne službenike i namještenike (u dalnjem tekstu: zaposlenici).

II

(Vrste radnih stanica)

Radne stanice koje se mogu nabavljati i koristiti u kantonalnim organima, na osnovu funkcija koje koriste, podijeljene su u 5 (pet) osnovnih kategorija:

- a) standardna uredska radna stanica;
- b) poboljšana uredska radna stanica;
- c) napredna uredska radna stanica;
- d) mobilna radna stanica;
- e) napredna mobilna radna stanica.

Opis, podjela, način korištenja i osnovni elementi radnih stanica propisani su važećom Odlukom o radnoj stanici u Kantonu Sarajevo.

III

(Konfiguracija)

Konfiguracija računarske opreme mora zadovoljiti minimalne tehničke uslove kako bi zaposlenici kantonalnih

organu mogli što efikasnije obavljati svoje radne zadatke i obaveze i razmjenjivati informacije i podatke s ostalim zaposlenicima i partnerima/javnošću.

Ukoliko je postojeća konfiguracija manja od minimalne, a računar star do 8 (osam) godina, po mogućnosti se dograđuju komponente (memorija, disk, čitač diskova).

Umjesto računara čija je konfiguracija manja od minimalne, a računar stariji od 8 (osam) godina, nabavlja se novi računar prema standardnoj konfiguraciji.

Odabir diska se vrši prema očekivanoj količini podataka koja se pohranjuje na disk.

Raspodjelu računara vrši kantonalni organ prema zahtjevima radnog mjesata.

Sve radne stanice u kantonalnim organima moraju zadovoljavati minimalne tehničke zahtjeve koji se odnose na hardver, odnosno procesor, radnu memoriju, tvrdi disk, eksterne priključke, monitor, tastaturu i računarski miš.

IV

(Centralna jedinica)

Minimalne hardverske karakteristike za radne stanice u jedinstvenoj mreži organa uprave Kantona Sarajevo su:

- a) Intel i3 procesor (generacije na kojoj stabilno radi minimalno Windows 10 operativni sistem) ili sličan (brzina, keš memorija, broj jezgri);
- b) 4 GB RAM memorije za rad 64-bitnog operativnog sistema;
- c) RJ45 mrežni priključak.

U Tabeli 1. se nalaze važeće hardverske karakteristike osnovnih kategorija radnih stanica:

Tabela 1.

Naziv	Standardna radna stanica	Poboljšana radna stanica	Napredna radna stanica	Mobilna radna stanica	Napredna mobilna radna stanica
Procesor	Max Intel i3 ili ekvivalent (brzina, Cache, broj jezgri)	Max Intel i5 ili ekvivalent (brzina, Cache, broj jezgri)	Max Intel i7 ili ekvivalent (brzina, Cache, broj jezgri)	Max Intel i3 ili ekvivalent (brzina, Cache, broj jezgri)	Max Intel i7 ili ekvivalent (brzina, Cache, broj jezgri)
Memorija	Do 8 GB s mogućnošću nadogradnje	Do 16 GB s mogućnošću nadogradnje	Do 32 GB s mogućnošću nadogradnje	Do 8 GB	Do 16 GB
Tvrdi disk	Do 1 TB	Do 1 TB	Do 2 TB	Do 1 TB	Do 2 TB
SSD	Do 256 GB	Do 512 GB	Do 512 GB	Do 256 GB	Do 512 TB
Priklučci	USB, serial, parallel, 100/1000 Eth, HDMI	USB, serial, parallel, 100/1000 Eth., HDMI, Firewire port, Wi-Fi	USB, serial, parallel, 100/1000 Eth., HDMI, Firewire port, Wi-Fi	USB, integrated gigabit ethernet, HDMI, Wi-Fi, Bluetooth	USB, integrated gigabit ethernet, HDMI, Wi-Fi, Firewire port, Bluetooth
Monitor	Do 22" Flat panel	Do 24" Flat panel	Do 28" Flat panel	Do 15,6" s integrisanim kamerom i mikrofonom	Do 17,3" s integrisanim kamerom i mikrofonom
Tastatura	USB B/H/S/ENG tastatura	USB B/H/S/ENG tastatura	USB B/H/S/ENG tastatura	Internal Keyboard (lokalizirana)	Internal Keyboard (lokalizirana)
Miš	USB 2-button mouse	USB 2-button mouse	USB 2-button mouse	Integrated Mouse Touchpad	Integrated Mouse Touchpad

Zavod za informatiku i statistiku Kantona Sarajevo (u dalnjem tekstu: Zavod) je obvezan jednom godišnje izvršiti reviziju i objavu važećih hardverskih karakteristika osnovnih kategorija radnih stanica.

V

(Mišljenje Zavoda i nabavka opreme)

Kantonalni organi su obvezni za novu računarsku opremu, prije nabavke, pribaviti odgovarajuće mišljenje Zavoda o usklađenosti s ovom Odlukom i važećom Odlukom o radnoj stanici u Kantonu Sarajevo.

VI

(Prestanak važenja ranije odluke)

Donošenjem ove Odluke prestaje važiti Odluka o hardveru radne stanice, broj: 26-02-31084/21 od 13.08.2021.

godine, objavljena u "Službenim novinama Kantona Sarajevo", broj 34/21.

VII

(Stupanje na snagu)

Ova Odluka stupa na snagu danom donošenja, a objavit će se u "Službenim novinama Kantona Sarajevo", na zvaničnoj internet stranici i na oglasnoj tabli Kantona Sarajevo.

Broj 26-02-523/23

10. januara 2023. godine
Sarajevo

Direktor
Mr. Dino Šehović, s. r.
(Sl-52/23-K)